



水

合從之利矣然而終敗於為衡之害者其禍在然自戰其所



可親而忘其所可讎故也齊楚自恃其強有包吞燕趙韓魏之志而緩秦之禍燕趙韓魏自懲其弱有疑惡齊楚之心而脅秦之威是以衡人得而因之散敗從約曾不知齊楚雖強不足以致秦之畏而其所甚忌者獨在乎韓魏也韓魏者秦之錯壤也秦兵之加韓魏也戰於百里之內其加於四國也戰於千里之外韓魏之致秦兵近在平一日之間而其待諸侯之救乃在乎三月之外秦攻韓魏既勝而歸休兵則四國之乘徵者尚未及知也四國誠能歲各更其國之一軍命一

偏將提之以合戍韓魏而佐其勢則是六國之師日萃韓魏之郊仰關而伺秦，誠勇者雖日辱而招之固不輕出而以腹背支敵矣。蓋蘇秦不獲終見信於六國而張儀之志獨行於秦，此六國之所以見并於秦也。林氏曰：六國并於秦者，蓋秦知天下之勢而六國不知故也。秦之所以知之者，其謀出於范雎，遠交近攻之策，取韓魏以執天下之樞也。欲平天下者，必先知難易之勢。唐憲宗欲平藩鎮，張弘靖以為先淮蔡而後恒冀，周世宗欲平天下，王朴以為先江南而後河東。呂氏曰：秦并六國，始于韓者，蓋李斯之策也。杜牧曰：秦萃銳三

晉經六世乃能得韓，遂折天下脊，復得趙，因拾取諸國。

七國形勢攷下

齊

管仲曰賜我先君履東至於海西至於河南至於穆陵北至於
 無棣 蘇秦說齊宣王曰齊南有泰山東有琅邪西有清河北
 有渤海此所謂四塞之國也齊地方二千餘里帶甲數十萬粟
 如丘山三軍之良五家之兵進如鋒矢戰如雷霆解如風雨即
 有軍役未嘗倍泰山絕清河涉渤海也臨菑之中七万户巨竊
 度之不下戶三男子三七二十一万不待發於遠縣而臨菑之
 卒固已二十一万矣韓魏之所以重畏秦者為與秦接境壤界



也兵出而相當不出十日而戰勝存亡之機決矣韓魏戰而勝秦地兵半折四境不守戰而不勝則國以危亡隨其後是故韓魏之所以重於秦戰而輕為之臣也今秦之攻齊則不然倍韓魏之地過衛陽晉之道徑乎亢父之險車不得方軌不得比行百人守險千人不敢過也秦雖欲深入則狼顧恐韓魏之議其後也是故惘疑恐惕驕矜而不敢進則秦之不能害齊亦明矣荀卿子說齊相曰今巨楚縣吾前大燕鮪吾後勁魏鈞吾西壤之不絕若繩楚人則有襄音開陽以臨我左是一國作謀則三國並起而乘我如是則齊必斷而為四三國若假城燕耳

燕王曰我聞齊有青濟濁河可以為固長城鉅防足以為塞誠有之乎蘇代對曰天時不與雖有清濟濁河惡足以為固民力罷敝雖有長城鉅防惡足以為塞且異日濟西不師所以備趙也河北不師所以備燕也今濟西河北盡已役矣封內敝矣春申君說秦昭王曰齊南以泗水為境東負海北倚河而無後患韓非初見秦曰往者齊南破荆東破宋西服秦北破燕中使韓魏土地廣而兵強戰剋攻取詔令天下齊之清濟濁河足以為限長城巨防足以為塞齊五戰之國也一戰不剋而無齊田官曰齊東有琅邪即墨之饒南有泰山之固西有濁河

之限北有渤海之利地方二千里持戟百萬縣隔千里之外齊得十二焉此東秦也

穆陵 無棣

唐志沂州沂水縣北有穆陵關郡縣志通典有穆陵山在沂

水縣北一百九十里滄州鹽山縣本濟無棣邑漢高城縣通滄

州無棣縣南臨無棣海因為名漢陽信縣地水經注清河又東

北無棣溝出焉東迤南皮縣故城南京相璠曰舊說無棣在

遼西孤竹縣

泰山

渤海

漢置渤海郡今滄棣霸濱諸州之地宋文帝置樂陵郡孝武分

置渤海郡後魏改渤海為滄水置滄州通典為齊趙二國之

境無棣縣齊境北至無棣在此地理志齊北有渤海之高樂

高城重合信陽趙得渤海郡之東平舒中邑又安東州成平

章武河以北

臨淄

齊國都也地理志屬齊郡今青臨淄名營丘故齊詩曰子之

營兮遭我乎曠之間兮毛詩作還臨淄在岱之間一都會也其

齊詩作營

中具五民五方之民淄水出泰山萊蕪縣州原山詩正義云今齊之

城內有丘即營丘也淄水過其南及東以丘臨水謂之臨淄

郡縣志雪宮故址在臨淄縣東北六里晏子春秋齊侯見晏子于雪宮括地志青州臨淄縣即古臨淄一名齊城古營

丘之地項羽封田都為齊王於此營立在縣北百步外城中天齊池在縣東南十五里齊以天齊名漢主父偃言齊臨淄十万户市租千金人衆殷富鉅於長安通典青州千乘縣

柏寝臺齊景公与晏子造處

衛陽晉之道

張儀說楚曰秦下甲攻衛陽晉必大關天下之凶正義衛地

曹濮等州也陽晉在曹州乘氏縣西北三十七里索隱陽晉

魏邑也蓋適齊之道在衛國之西南魏哀王十六年秦拔陽晉秦昭王曰吾愛宋与愛新城陽晉同蘇

齊世家齊自泰山屬之琅邪北被於海膏壤二千里貨殖傳

泰山其陽則魯其陰則齊

琅邪

山海經云琅邪臺在勃海間琅邪之東其北有小注云琅邪在海边有山嶼境特起狀如高臺括

地志密州諸城縣東南百七十里有琅邪臺越王勾踐觀臺

也琅邪山在縣東南百四十里始皇立層臺於山上孟子齊

景公問晏子曰吾欲觀於轉附朝儻遵海而南放干琅邪注

琅邪齊東南境上邑管子戒篇桓公將東游問於管仲曰我

游猶軸轉斛南至琅邪地理志琅邪縣越王勾踐嘗治此起

館亭 後漢注琅邪郡有琅邪山故城在今海州朐山縣東北子虛賦齊東階鉅海南有琅邪輿地廣記漢琅邪縣在密州諸城縣東境初越王勾踐欲霸中國徒都於此起觀臺於山上周七里以望東海秦始皇置琅邪郡東游登山大樂之留三月漢武帝以登焉秦紀始皇作琅邪臺立石刻頌秦德

清河

漢置清河郡治清陽縣後漢省之安帝改曆曰甘陵為清河國治桓帝改國曰甘陵魏復故晉改甘陵縣曰清河後周置貝州宋改息州通典春秋屬齊後屬晉七國屬趙地理志趙東有清河應北有清河以南水經注地理風俗志曰甘陵郡東南十七里有清河故城世謂之鵲城清河又東北逕清陽縣故城西漢高帝置清河郡治此 景帝封子乘為王

秦說趙曰據衛取淇則齊必入朝秦水經注陽晉城在廩丘城東南十餘里與都閭為左右

亢父之險

漢縣屬東平國正義故縣在兗州任城縣 今屬濟州 南五十一里 漢

帝紀沛公還軍亢父光武征龐萌自將輕兵至亢父 呂布攻鄆城不能下西屯濮陽曹操曰布

一旦得一州不能據東平斷亢父泰山之道乘險要我而乃屯濮陽吾知其無能為也 魏志

襄賁開陽

二縣地理志屬東海郡 音音肥 輿地廣記襄賁縣廢入沂州臨

沂縣故城在縣南開陽本鄆國春秋於孫州仇城啓陽是也

漢避景帝諱改為開後廢入臨沂故城在縣南水經注伯連子稱陸子謂齊得王曰魯費之衆臣甲舍于襄賁後漢注開陽故城在今臨沂縣北

清濟 濁河

左傳哀十一年齊伐我及清濟北盧縣東有清亭齊語柏公正封疆地南至于餉陰西至於濟北至於河東至於紀鄆水經濟水自魚山北逕清亭東注云京相璠曰今濟北東阿東北四十里有清亭春秋所謂遇于清也水色清深馬類水東注于清濟謂之馬類口清濟即此水也蔡氏曰李賢謂濟自鄭以東貫滑曹鄆濟齊青以入於海樂史謂今東平濟南淄川

北海界中有水流入海謂之清河

沈氏謂濟水伏流地中東河之濟所經井水清而重

孟康曰

齊西有平原州

德州即平原也河水東北過高唐

孟津號黃河故曰濁

河正義云濟漯二水上承黃河並淄青之北流入海黃河又

一源從洛魏二州界北流入海也齊西北界

長城鉅防

齊記云齊宣王乘山嶺之上築長城東至海西至濟州千餘里以備楚括地志長城西北起濟州平陰縣緣河歷泰山北岡上經濟州淄州即西南兗州博城縣北東至密州琅邪臺入海郡國志濟北盧縣有平陰城有所門

左傳襄十八年齊禦晉平陰墜防門杜氏云在縣北

防即防門有長城至東海正義長城西在濟州平陰縣界平陰後竹屬鄆州

書記年梁惠成王二十年齊閔王築防以為長城泰山記云

秦山西有長城綠河經泰山餘千里至琅邪臺入海即縣志故長城首起

鄆州平陰縣北二十九里齊愍王所築于地廣記鄆州平陰縣漢盧縣地唐屬濟州又淄州淄川縣古齊長城楚世家還蓋長城以為防外紀威烈王十六年王命韓趙伐齊入長城左傳防門注平陰城在濟北盧縣東北其城南有防有門世家趙人歸我長城在威王時即縣志平陰故城在平陰縣東北三十五里

泗水

出兗州今龍慶府泗水縣至淮陽宿遷縣入淮

即墨

郡縣志故城在萊州膠水縣東南六十里本漢舊縣田單守

即墨破燕軍盡復齊地項羽徙齊王田市為膠東王都此漢

屬膠東北齊併入膠水隋復置屬萊州城臨墨水故曰即墨

田官謂琅邪即墨之饒顏氏云二縣近海財用所出蘇秦說趙曰齊必致

魚鹽之海戰國策齊王建入朝於秦即墨大夫入見齊王曰齊方

數千里帶甲數百万三晉大夫皆不便秦而在阿鄆之間者

百數王收而與之百万之衆使收三晉之故地即臨晉之關

可以入矣同州朝邑縣有蒲津關秦臨音縣鄆郚大夫不欲為秦而在城南下者

百數王收而與之百万之師使收楚故地即武關可以入矣如

此則齊威可立秦國可止齊王不聽

河北

正義謂滄博等州在漯河之北

楚

蘇秦說楚威王曰楚天下之強國也西有黔中巫郡東有夏州
海陽南有洞庭蒼梧北有陘塞郢陽地方五千餘里 大王不
從秦必起兩軍一軍出武關一軍下黔中則郢鄢動矣 張儀
說楚王曰秦西有巴蜀大船積粟起於汶山浮江已下不至十
日而距扞關扞關驚則從竟陵以東盡城守矣黔中巫郡非王
之有秦舉甲出武關南面而伐則北地絕秦兵之攻楚也危難

在三月之內而楚待諸侯之救在半歲之外此其勢不相及也

蘇代約燕王曰秦之行暴正告天下告楚曰蜀地之甲乘船

浮於汶乘夏水而下江五日而至郢漢中之甲乘船出於巴乘

夏水而下漢四日而至五渚寡人積甲宛 下隨智者不及謀

勇士不及怒寡人如射隼矣王乃欲待天下之攻函谷不以遠

乎楚王為是故十七年事秦 荀子議兵曰汝穎以為險江漢

以為池限之以鄧林緣之以方城然而秦師至而郢鄢舉若振

槁然豈無固塞隘阻也哉其所以統之者非其道故也 淮

南兵略謂曰楚地南卷沅湘北繞潁泗西包巴蜀東襄郢淮潁

汝以為涇江漢以為池桓之口鄧林綿之以方城山高尋雲谿肆無景 戰國策曰楚苞九夷又方千里南有符離之塞北有甘魚之口

黔中

正義今朗州楚黔中郡漢更名武陵今常德府括地志云故城在

辰州沅陵縣西二十里今黔府其地楚世家秦留懷王要以割正黔中

中郡 通典黔州古蠻夷之地秦惠王欲楚黔中地以武關外易之即此是也楚辭注在階表陽淑浦皆在辰州

巫郡

括地志在夔州東通典夔州巫山縣楚置巫郡秦漢為南郡

巫縣故城在今縣北巫山在西南

夏州

左傳宣十一年楚復封陳鄉取一人焉以歸謂之夏州杜氏云州鄉屬

示討夏氏所獲徐廣曰楚考烈王元年秦取夏州裴駘按左傳注不說

夏州所在車胤撰桓温集云夏口城上數里有洲名夏州正

義云大江中州也夏水口在荊州江陵縣東南二十五里楚

辭過夏首而西浮夏水口也背夏浦而西思左傳沈尹筮命於夏內遂射以繁揚之師會于夏內杜氏曰

漢水為入江今夏口也通典荊州江陵縣有夏水口左傳夏內也即縣志鄂州春秋時謂之夏內漢為以美東境後漢末謂之夏口名魯曰林氏曰在以動與平以息已懷以愚為秦誘頃襄以弱為秦脅

海陽

劉氏云楚之東境

正義未詳 楚奄在南海

楚威王六年敗甘越盡取吳故地至浙江

左傳

洞庭

索隱今青草湖正義洞庭湖在岳州巴陵縣西南一里又有洞庭山名君山在湖中心吳起曰三苗氏左洞庭右彭蠡韓非初見秦曰秦與荆人大戰大破荆襲郢取洞庭五湖江南

後漢南蠻傳云吳起相悼王南并南蠻越遂有洞庭蒼梧

蒼梧

正義蒼梧山在道州南

索隱地理志有蒼梧郡 山海經注即九疑山也 漢書注文頴曰九疑山半在蒼梧半在零陵

檀弓

舜葬于蒼梧之野

注舜征有苗而死因留葬焉蒼梧於周南越之地今為郡史記舜南巡狩崩于蒼梧之野葬于江南九疑是為零陵山海經南方蒼

梧之丘蒼梧之淵其中有九疑山注云山今在零陵營道縣南山其山九谿相似

道州寧遠縣有九疑

陘塞 汾陘之塞

戰國策云北有汾陘之塞徐廣曰春秋齊伐楚次於陘

杜氏云 頴川召

陵縣南 有陘亭

楚威王十一年魏敗楚陘山在密縣正義陘山在鄭州

新鄭縣西南三十里楚世家魏取我陘山今按陘塞其說有三

山海經有少陘之山太平御覽謂在滎陽則正義新鄭近之

滎陽春秋為鄭戰國為韓蓋南北之隘要道楚為塞以禦北方

故蘇秦於韓曰南有陘山於楚曰北有陘塞其地一也楚漢

之際亦於此決勝負焉左傳楚子庚治兵於汾注云襄城縣
東北有汾立城今襄城屬汝州汾陘之塞蓋在汝鄭二州密
今屬鄭州古陵今 林氏曰楚有圖北方之志其君多居於申大
在潁昌府鄆城縣 合諸侯又在焉申即宛也 今鄭州南陽縣杜氏曰申在方城內故言入

郟陽

漢地理志漢中旬陽縣

北山旬水所出南入沔酈商攻旬閼正義云漢中

與

地廣記金州洵陽縣

後漢省晉復置屬魏吳郡

按金州後漢末為西城郡魏

得之改魏興申儀為太守屯洵口

水經注旬水東南注漢之旬口

蜀蔣琬欲由漢

沔襲魏興今屬利州路南蔽夔峽西接梁洋為控扼之地蘇

秦所謂郟陽即洵陽也

卽旬洵三字通

徐廣以為順陽

故城在鄧州穰縣西

索隱以

為新陽

故城在蔡州真陽縣西南

皆非也又按楚之世家懷王二十五年與秦盟

黃棘秦復與楚上庸

正義括地志今房州竹山縣及金州是

頃襄王十九年割上庸漢北

地予秦正義謂割金房均三州及漢水之北蘇代云殘均陵

塞鄆隘

正義均州故城在隨州西南五十里

楚割上庸之明年秦拔西陵又一年拔鄆

趙氏曰楚莫盛於莊盛之極衰之倚也楚與秦疆不相下

下也滅庸而秦淫師自莊始與吳越邈不相及也滅舒蓼而

吳越受盟自莊始孰知異時之秦拔武關取上庸即今日之

故道異時之吳舍舟於淮汭晉師於巢為止郢之張本

鄢郢

楚人對頃襄王曰秦左臂據趙之西南右臂傳楚鄢郢膺擊

韓魏垂頭中國處既形便勢有地利正義鄢故城在襄州率

道縣今襄陽府宜城縣南九里郢城在荊州今江陵府江陵縣東北十里秦

兵出武關則臨鄢矣下黔中則臨郢矣地理志南郡宜城故

鄢舊王沿夏將欲入鄢注云順漢水南至鄢江陵故楚郢都楚文王自丹陽歸州秭歸縣東有丹陽城熊澤始封

徙此及九世平王城之後十世秦拔郢徙陳郢都西通巫巴

東有雲夢之饒六一都會也南豐曾氏曰荆及康狼楚之西

山也水出二山之間東南而流春秋之世曰鄢水左丘明傳

魯桓公十有三年楚屈瑕伐羅及鄢亂次以濟是也其後曰

夷水，經所謂漢水又南過宜城縣東夷水注之是也又其

後曰蠻水酈道元所謂夷水避桓温父名改曰蠻水是也秦

昭王二十八年使白起將攻楚去郢百里立竭壅是水為渠

以灌鴈，楚都也遂拔之秦既得鴈以為縣漢惠帝三年改

曰宜城宋孝武帝永初元年築宜城之大隄為城今縣治是

也而更謂鴈曰故城鴈入秦而白起所為渠卒不廢引鴈水

以灌田今長渠是也胡文定公曰荆渚江左上流也故楚子

自秭歸徙都日以富彊近并穀鄧次及漢東下收江黃橫行

淮泗遂無吳越傳六七百年而後止此雖人謀心地勢使然也後逮漢衰劉表牧之坐談西伯先王假之三分天下圖羽用之威震中華孫氏有之抗衡曹魏晉宋齊梁倚為重鎮財賦兵甲當南朝之半其為江東屏蔽猶虞虢之有下陽也林氏曰江陵郢也襄陽郢也自江陵而圖北方必經襄陽襄陽楚之北津也屈原哀郢曰碩龍門而不見甌西東門之可蓋注云楚都南門三門一名龍門一名脩門而東門郢都東關有二門也呂氏曰郢楚之別都也水經注江陵西北有紀南城楚久王自丹陽徙此平王城之班固言楚之郢都也

汶山

地理志蜀郡湔氐道岷山在西徼外江水所出東南至江都

入海

山海經岷山江水出焉

輿地廣記在茂州汶

古岷字

山縣西北俗謂之鐵豹

嶺禹之導江發於此

何圖括地象曰岷山之精上為井絡故泉流深遠為四瀆之首水經注岷山即嶺山也又謂之汶阜山益州

記大江始發羊膊嶺下東南至白馬嶺歷天彭關

扞關

楚世家肅王四年蜀伐楚取茲方

正義古今地名云荆州松滋縣

於是楚為扞關

以拒之郡國志巴郡魚復縣有扞關

地理志魚復江關

李熊說公孫述

曰東守巴郡拒扞關之口

注故基在今峽州巴山縣

正義華陽國志云巴楚相

攻伐故置江關陽關括地志陽關今涪州永安縣治陽關城

也永安省入樂溫縣

扞關今峽州巴山縣界故扞關是

巴山省入夷陵縣

江關今

夔州魚復縣南二十里江南岸白帝城是魚復今本節縣後漢岑彭傳公

孫述遣將乘枋箬下江關注云舊在赤甲城後移在江南岸

對白帝城故基在今魚復縣南輿地廣記魚復縣故城在奉節縣北今名赤甲城有古杆闔水徑江水自闔東徑弱闔捍闔注捍闔原君浮夷

所置也弱闔在建平秭歸界昔巴楚數相攻伐依險置闔以立防捍

竟陵

漢屬江夏節鄉楚節公邑封關幸於此越世家竟陵澤楚之村也輿地廣記復

州景陵縣秦白起攻楚拔郢東至章陵石晉改景陵晉竟陵郡治沔

陽縣水徑注中水西逕竟陵縣北西逕揚水謂之中水口西有古竟陵大城古節國也郢縣志曰縣在今郢州長壽縣界竟陵大城是也晉分江夏西部置竟陵郡後

周以其地置鄂復二州

汶巴

地理志蜀郡有汶江縣今茂州汶山縣水經江水自天彭關東逕汶關

而歷氏道縣北注汶出徼外崕山西玉輪坂下郡縣志渝州

古巴國今重慶府閬白二水曲折如巴字故謂之巴正義巴嶺山

在梁州南一百九十里西南夷傳楚威王使莊躡將兵循江上

略巴黔中以西劉伯莊云巴國在漢水上蘇代云輕舟浮於汶乘舟出於巴

謂汶江巴江也索隱汶即江所出岷山巴水與漢水相近輿地廣記連州永睦縣有巴江今按張儀說楚謂方

船積粟起於汶山循江而下至郢三千餘里不至十日而拒扞

關蓋是時有韓魏以塞故儀設水道以懼之年結請伐吳謂引梁益之兵水陸俱下崔

仲方論取陳謂蜀漢二江是其上流水路衝要必爭之所彼聚兵漢口峽口則下流諸將擇便橫渡如擁衆自衛上江水軍鼓行以前秦以此脅楚晉以此取吳隋以此取陳然秦不敢泛道危而扞關亦難攻也江代楚者水

五渚

裴駟云戰國策秦破荆龔郢取洞庭五渚然則在五渚在洞庭索隱劉氏以為五渚宛鄧之間臨漢水不得在洞庭或說五渚即五湖戰國策五渚韓非子作五湖水徑注湘水沅水澧水凡此四水同注洞庭北會大江名之五渚

隨

今隨州左傳漢東之國隨為大楚武王克州薳服隨唐昭王奔隨春申君說秦曰韓

魏必攻隨水右壤戰國策云隨陽正義楚都陳而隨故國在西南是楚

之右壤呂氏曰楚武王徑略漢東之初便欲滅隨後未反以厚意結隨以為助使之勿救

鄭始懼

汝潁

左傳楚父王縣申息朝陳蔡封畛於汝郡縣志汝水出汝州魯山縣一百五十里天息山釋例云汝出

汝陽縣大盂山至汝陰褒信縣入淮晉師與楚師夾潁而軍注云潁水出城陽至下蔡入淮郡縣志潁水出河南府潁陽縣陽乾

山淮南墜形訓汝出猛山注一名高陵山在南定陵縣汝水所出東南至新蔡入淮

江漢

詩涵，江漢南國之冠左傳楚漢水以為池江漢睢漳楚之

望也楚世家先王受封望不過江漢正義荆州大江漢江楚境內也土地名云江

經南郡江夏弋陽安豐漢徑襄陽至江夏安陸縣入江漢水出

江夏南入江黃氏云江水自茂州汶山縣至通州海門縣入海漢水二源一源出秦州天水縣謂之西漢水至恭州今重慶已縣入江一源出大安軍三泉縣謂之東漢水至漢陽軍入江漢至荆州合流左傳昭王之不度杜注昭王時漢非楚境楚武王伐隨軍於漢淮之間吳伐楚自豫章至楚夾漢林氏曰

鄧林

荀子曰楚界鄧地之山林淮南子注沔水上險春申君曰夫隨陽右壤皆廣谷大水山

林谿谷不食之地隨之西今鄧州之西其地多山林者是劉襄州南鳳林山是古鄧祈侯之國在楚之西云鄧林唐朱朴議迂都曰襄鄧之西夷漫

其東與鳳林為之閩南菊潭環屈而流西有上洛重山之險北有白崖聯絡乃形勝墟去秦咫尺而有上洛為之限永無虞林氏曰申鄧者

圖鄧之道所從出

方城

左傳方城以為城注云方城山在南陽葉縣南郡縣志在汝

州葉縣西南十八里左傳葉在楚國方城外之蔽也晉陽慶父伐楚以救江門於方城荀偃伐楚侵方城之外淮南子

九塞荆阮方城皆在楚地里志葉縣有長城號曰方城白起取

葉林氏曰宛在方城內葉在方城之外有方城內有冥阮而宛葉為之表裏朱文公曰荆州地勢西平其守當在外楚人謂方城為城漢水為池是也水徑注方城或作方唐勒奏上論曰楚世霸南土自越以至葉垂弘境万里故號曰方城

沅湘

地理沅水出牂牁郡故且蘭縣今播東南至益陽入江岳州沅江縣漢

益陽湘水出零陵郡零陵縣全州清湘縣陽海山北至鄱入江衡州衡陽縣

楚辭注湘水出帝舜葬東入洞庭下 山海經沅水出象郡

鐘城西入東注江入下雋西辰州沅陵合洞庭中郭璞云湘水出

零陵營道縣陽朔山入江

郊淮泗

地理志東海郊縣故國水經注故城在下邳縣今淮陽軍東北一

百五十里吳自伐郊之役始見於春秋楚人對頃襄王曰膺擊郊國大梁可得

而有也蘇代遺燕王書曰驅韓魏以伐齊曰必反宋地歸楚

淮北又見齊王曰有淮北楚之東國危越世家勾踐已去渡淮南以淮上地予楚世家越已滅吳而不能

正江淮北楚東侵廣地至泗上林氏曰吳之始圖楚也爭巢鍾離州來之三邑蓋七十年而後取之失淮由失州來州來下蔡縣淮北

九夷

李斯曰惠王用張儀之計南取漢中包九夷制鄢郢索隱曰

屬楚之夷也戰國策張儀曰楚破南陽九夷內沛許鄢陵危

呂氏曰以此考之九夷之地略可見方孔子在陳蔡相去蓋

不遠也所以有欲居九夷之言鄭語楚蚡冒始啓濮左傳楚武王克州參服隨唐大啓群蠻爾雅畧夷有九種曰畎夷于夷

方夷黃夷白夷赤夷玄夷風夷陽夷謂東夷也楚秦所包蓋西南夷

苻離之塞

宿州符離縣漢屬沛郡亦稱符離也地多此草故名縣南臨汴河

甘魚之口

左傳昭十三年楚公子比次于魚陂注云竟陵縣城西北有

甘魚陂水經注竟陵城傍有甘魚陂史記正義竟陵故城在

鄂州長壽縣南百五十里長壽縣本漢竟陵縣地今復州是其地按戰

國多以水攻故楚守甘魚之口祝氏鑑曰後人之論必曰

衡成則秦帝從合財楚王蓋自方城以南武關之東秦楚之

地表裏控帶

燕

蘇秦說燕文侯曰燕東有朝鮮遼東北有林胡樓煩西有雲中

九原南有噶沱易水地方二千餘里南有碣石雁門之饒北有

棗栗之利此所謂天府者也秦之攻燕也踰雲中九原過代上

谷彌地數千里雖得燕城秦計固不能守也秦之不能害燕以

明矣今趙之攻燕也發號出令不至十日而數十萬之軍於

東垣矣渡噶沱涉易水不至四五日而距國都矣故曰秦之攻

燕也戰於千里之外趙之攻燕也戰於百里之內夫不憂百里

之患而重千里之外計無過於此者是故願大王與趙從親天

下為一則燕國無患矣 蘇代見燕王曰天下戰國七燕處弱
焉獨戰則不能有所附則無不重南附楚，重西附秦，重中
附韓魏韓魏重 張儀說燕昭王曰今趙王已入朝澠池效河
間以事秦今大王不事秦，下甲雲中九原驅趙而攻燕則易
水長城非大王之有也 韓非子曰燕襄三以河為境以薊為
國襲涿方城殘齊平中山有燕者重無燕者輕 注方城涿之邑也
朝鮮

地理志云莞樂浪皆朝鮮濊貉句驪蠻夷殷道哀箕子去之朝
鮮史記武王封箕子于朝鮮朝鮮王傳滿燕人自始燕時嘗略屬真番朝鮮

為置吏築障秦滅燕屬遼東外徵漢興為遠難守復修遼東
故塞至沮水為界 樂浪屬燕滿東走出塞度沮水居秦故空
地上下障王之都王險 地名括地志高驪平壤城本漢樂浪郡
王險城即古朝鮮

遼東

地理志燕地東有遼東匈奴傳燕置遼東郡以距胡通典舜
營州遼水之東是也燕遼東郡秦漢因之東通樂浪晉置平
州後魏時高麗國都其地唐置安東都護府 至德後廢

林胡樓煩

正義二胡朔嵐已北貨殖傳燕東北邊胡周書王會有樓煩戰國策蘇秦說齊曰齊

燕戰於桓之曲燕不勝十萬之衆盡胡人龍燕樓煩數縣取

其牛馬匈奴傳冠帶戰國七而三國邊於匈奴燕趙秦也

雲中九原

正義二郡並在勝州雲中故城在榆林縣趙雲中城秦雲中郡也東北四

十里九原榆林縣西累漢武帝改為五原郡郡縣志五原謂龍遊原

正原橫括地志勝州連谷縣本秦九原郡按匈奴傳趙武靈王置

雲中趙世家地西至雲中九原郡縣志故本古城在中受降城北四十里賈軌

淳沱

地理志淳沱河自代郡鹵城縣代州繁時縣東至參合雲州東至文安

州入海并州川隋圖經曰魏改曰清寧河光武紀注山海經

云大戲之山淳沱之水出焉在今代州無時縣東流經定州

深澤縣今屬祁州東南即光武所渡處今俗猶謂之危度口九城志

舊在深州饒陽縣南至曹操因故瀆決令北注新溝今在饒陽北祀惡池周禮淳沱正義出縣時縣東南流經五臺山北東南流故定州入海淮南地形列淳沱出魯平山穆天子傳絕鈔山之隊北循淳沱之陽注今在雁門鹵城縣

易水

地理志易水出涿郡故安縣今易州易縣閻鄉東至范陽入濡水入

萊并州歸郡縣志易水在涿州歸義縣今雁州南二十五里括地志
安河又名北易水源出易州易縣西南谷中東南源遇歸義縣東與滹沱河合趙惠文王
五年與燕鄭易鄭今之莫州易漢涿郡之故安也水經注易水逕安次縣南鄭縣故城北東
至文安縣于厚池合蘇恭曰易水以南謂此水班固以為南易

碣石

地理志大碣石山在右北平驪成縣西南通典平州盧龍縣

有碣石山正義燕東南碣然而立在海旁晉大康地志秦築長城所

起自碣石在今高麗界非此碣石也括地志在盧龍縣南二

十三里史記駒衍如燕昭王築碣石宮身親往師之正義云

碣石宮在幽州薊縣西三十里寧臺之東通典碣石山在漢樂浪郡

東截遼水而入高麗遺跡猶存禹貢右碣石在平州南二十餘里則高麗中為左碣石

水經在遼西臨渝縣南水中注

大禹鑿其石右夾而納回秦皇漢武皆登之海水西侵而苞其山故言水中山海經碣石之

水出焉東流注子河水類曰在遼西秦縣今屬臨渝始皇三十二年刻碣石門武帝元

封元年至碣石輿地廣記在平州古城縣故驪成今按碣石在海旁雁門有藍澤故云碣

石雁門之饒晉道元言驪城枕海有石如甬道數十里當山頂有大石如柱形其山昔在

河口海濱歷世既久為水所漸淪入於海已去岸五百餘里矣

雁門

匈奴傳趙武靈王置雁門郡地理志秦置今雲鹿朔州李牧常居代雁門備

匈奴山海經雁門之山無草木雁門之水出于雁門之山雁出其間注云即北陵西

喻雁之所出因以名云在高柳北高柳在代北故城在雲州宣懷縣後改雲中縣正義山在代熒西門水經

注高柳在代中其山重巖疊獻東出遠基雁門水東南流逕高柳縣故城北旧代中治爾雅西喻雁門注云即雁門山

代上谷

匈奴傳趙置代郡燕置上谷郡正義上谷即媯州上谷至遼東地
被寇大与趙代俗相類通典上谷易幽其瀛媯州之地

東垣

趙攻中山取東垣輿地廣記真定府州真定縣本中山之東

垣邑漢十一年陳豨將趙利守東垣高帝攻拔之改曰真定

有滹沱水正義趙之東邑在真定縣南八里故常山城是也

滹池

在今河南府滹池縣地理志弘農滹池景帝中二年初城徙

萬家為縣水徑注穀水出於嶠東馬頭山穀陽谷東北流歷

滹池川漢景帝因嶠滹之池以目縣或謂之彭池穀水又東

逕秦趙二城南即趙王鼓瑟秦王擊缶處世謂之俱利城蓋

云秦趙俱利也淮南子九塞曰滹池戰國策曰滹隘之塞秦

商君殺之於鄭颺池時翼奉曰成周右阻颺池趙涉說周亞夫曰吳

王必置間人於殺颺阮隱之間王莽命王奇曰殺颺之險東當鄭衛水徑

注穀水又東逕新安縣故城南北夾流而西接嶠颺城之東逕於雅谷溪回岫紫紆石路阻峽故亦有峽石之稱禹貢注澗水出滹池
郡縣志滹池縣本韓地廣陽山一名滹池山在縣東北五十二里穀水南去縣二百步東經
秦趙二城東城在縣西十二里西城十四里余昭王趙惠文王會處馮異破布眉於嶠底壘
書曰奮翼颺池

長城

匈奴傳燕築長城自造陽至襄平置上谷漁陽薊州 檀州右

北平平州遼西營州遼東郡以距胡通典麟州銀城縣五原

塞即縣北所謂光祿塞晉太康地志自北地郡行九百里得

五原塞又北出九百里得造陽即此韋昭云造陽地在上谷未詳孰是

東都護府故漢襄平城也括地志寧原慶三州秦北地郡邵子曰周之同姓

諸侯而克永世者獨有燕在焉燕處北陸之地去中原特遠

苟不隨韓趙魏齊楚較利力爭虛名則足以養德待時觀諸

侯之變秦雖虎狼心未易加害延十五六年後天下事未可

知也 趙氏曰燕入春秋百九十年始以伯欵見經

薊

樂毅書薊丘水經注今城內西北隅有薊丘因丘以名邑猶

魯之曲阜齊之營丘唐志幽州薊縣 周武王封帝堯之後

於薊燕國都薊秦屬上谷韓廣自立為燕王項氏封臧荼漢

封盧綰為王皆都其地東漢立幽州前燕慕容皝自和龍徙

都於此宋宣和為燕山府郡縣志燕山在薊州漁陽縣東南

六十里 呂公所封燕在幽州城取此山為名

涿方城

應劭云涿水出上谷涿鹿縣漢涿郡涿縣廣陽郡方城縣後

屬涿 唐涿州范陽縣本涿武德七年更名燕方城縣唐貞觀元年自章信城移回安縣治此屬

幽州後水經注聖水自涿縣東與桃水合東逕涿縣故城下與

涿水合世以為涿水亦謂之桃水出涿縣故城西南竒溝東

八里涿水又東北逕涿縣故城西流注於桃應劭曰涿郡故

燕漢高帝六年置其南有涿水 聖水又東逕方城縣故城

李牧伐燕取方城是也王肅曰今涿郡方城縣有韓侯城詩

奕曰傳被韓侯 燕師所克王 錫韓侯 追其躬 奄受北國郡縣志方城故城在涿州固安縣南十七

里本燕舊邑

中山

通典定州安喜縣古中山鮮虞地漢盧奴縣新樂縣鮮虞國漢新市縣

左氏定四年傳荀寅曰中山不服中山之名始見於此威烈王十二年中

山武公初立魏文侯使樂羊代中山郡縣志定州春秋時鮮虞白狄之國

戰國時為中山國與六國並稱王後為趙武靈王所滅中山

之地方五百里秦趙郡鉅鹿二郡之地漢高帝分置常山

山二郡城中有山故曰中山景帝改為中山國封子勝為中山王後燕

慕容垂建都於此置中山且後魏為中山郡置安州又改為定州以安是下為名隋為博陵郡今中山府

三國形勢攷上

春秋下陽不言號虎牢不係鄭地有所必據城有所必守王公設險以守其國大易之訓也作三國形勢攷

蜀漢重鎮

通典蜀以漢中興勢白帝並為重鎮

漢中

郡縣志後漢末張魯據漢中改為漢寧郡曹公討平之蜀先主破夏侯淵遂有其地為重鎮魏延蔣琬姜維相繼屯守唐為興元府治南鄭縣黃權曰若失漢川則三已不振楊洪曰漢中

益州咽喉若無漢中則無蜀矣水經漢水又東黑水注之諸葛亮成云朝發南鄭暮宿黑水通典漢中故城在南鄭縣東北華陽國志序秦資其富用無天下漢祖階之奄有四海陳孔璋曰漢中地形險固四嶽三塗皆不及也趙開曰漢中之地後可據而安前可恃而進胡文定公曰魏人都許不恃方城而守襄陽蜀人都益不恃劍門而守漢中吳人都秣陵不恃長江而守荆渚

真氏曰古之為國者必有重臣以當關外之寄蜀以孔明駐漢中吳以陸遜守荆渚

馬鳴閣道

魏徐晃傳與夏侯淵拒劉備於陽平備遣陳式等十餘營絕

馬鳴閣道晃別征破之太祖曰此閣道漢中之險要咽喉也

劉備欲斷絕外內以取漢中寰宇記馬鳴閣在利州昭化縣水經注褒水西北

出衙嶺山東南逕大石門歷故棧道下谷俗謂千梁無柱也

諸葛武侯與兄瑾書云前趙子龍雲退軍燒壞赤崖以北閣

道緣谷一百餘里其閣梁一頭入山腹其一頭立柱於水中

今水大而急不可安柱此其窮極不可強也又云頃大水暴

出赤崖以南橋閣悉壞時趙子龍與鄧伯苗並一戍赤崖屯

田一戍赤崖口但得緣崖與伯苗相聞而已後魏延先退而

焚之謂是道也自後案舊脩路者無渡水中柱褒水又東南歷小石門一穿山通

道六丈有餘

刻石言永平中司隸楊厥所開蓋因石牛道而廣之

蜀都賦曰阻以石門在漢

中之西褒中之北

即縣志褒水源出興元府褒成縣西衙嶺川褒城本漢褒中縣褒斜道一名石牛道張良令漢王燒絕棧道即此蔡澤謂應侯

曰君相秦棧道千里通於蜀漢類要利州馬鳴閣魏武曰此關過漢中之陰平乃咽喉之要路

陽平閣

通典在興元府褒城縣西北曹公征張魯至陽平魯使弟衛

據陽平關橫山築城十餘里乘險夜襲破之先主進兵漢中

屯陽平關姜維表後主分護陽安關口

陽安疑即陽平

周地圖記褒谷

西北有古陽平關水經沔水又東逕白馬戍南注云灑水南

逕張魯治東水西山上庾仲雍謂山為白馬塞東對白馬城

又至渠與巴水合曰渠水巴渠二水既合逕廣安新明至合

今於嘉陵涪水會以達於渝而江始大此七水與江別合之

大略也若分流出夷中入中國以附於江者有三曰青衣曰

羊山曰馬湖青衣出來山徑巖道浩雅夾江而下羊山出鐵

豹嶺逕漢源出嘉寧之南與青衣水合入于江馬湖自夷都

流至叙入於江又有出於郫邑之山澤者則自岷峨而下

沿流以至於夔不勝其衆其大者如威山之萬頃地則醴流

有四一入於渠三入於夔江漢水出岫冢與江流分流由漢金

趙襄至江夏大別山始與江合此蜀衆水接連荆楚源流之

大略也胡文定公曰欲固上流必保漢沔

漢樂二城

蜀志建興七年諸葛武侯徙府營於南山下原上築漢樂二

城通鑑築漢城於沔陽樂城於成固二縣屬漢中郡沔陽今

興元府西縣成固今城固縣通典故西樂城在西縣西南武

侯所立甚險固輿地廣記城固水經沔水又東逕西樂城北注云在

三十里城側有石謂之容表石道通益州諸葛武侯築晉梁州刺史楊亮守之為將堅

所敗後刺史姜守潘猛居此城東容表溪注之水左有故城懸山即險四面阻絕先主

遣使忠搬之以拒曹公姜維傳初先主命魏延鎮漢中皆實兵諸圍以禦

外敵若來攻使不得入及興勢之役王平捍拒曹爽皆承

此制維建議以為錯守諸圍雖合周易重門之義然適可禦

敵不獲大利不若使聞敵至諸圍皆斂兵聚穀退就漢樂二

城使敵不得入平旦關重閉鎮守以捍之有事之日令將軍並

進以伺其虛於是令督漢中胡濟却住漢壽監軍王含守樂

城護軍蔣斌守漢城又於西安建威武衛石門武城建昌臨

遠皆立圍守水經注華陽國志曰蜀以城固為樂城縣

興勢

郡縣志洋州興道縣本漢城固縣地後魏分置興勢縣治與

勢山上唐武德元年置洋州貞觀二十三年改興道縣興勢

山置烽火樓處，通照即此山。後主延熙七年，將軍王平守之。魏將曹爽等攻不克，即今興道縣。通典：今縣城即後魏儻城。郡因自然隴勢，形似盆，緣外險，內有大谷，為盤道上數里。及門水經漢水，又東迳小城固。南注云：州治大城固，移縣北。故曰小城固。城北百二十里有興勢坡。漢水又東，右會洋水。自城固南城南入三百八十里，距南鄭四百八十里，洋州東北至京兆府六百四十里。

駱谷 子午谷 黃金谷

唐地理志：洋州興道縣有駱谷路南口曰儻谷，北口曰駱谷。黃金縣有子午谷，路京城前直子午谷。郡縣志：儻谷一名駱

谷，在興道縣北三十里。案駱谷在長安西南，駱谷關在京北

府盤屋縣。今屬鳳翔府西南一百二十里。武德七年，開駱谷道以通

梁州。在今關外九里。貞觀四年，移於今所。駱谷道，漢魏舊道

也。南通蜀漢。魏曹爽伐蜀，諸軍入駱谷三百餘里，不得前進。駱谷路在今洋州西北二十里，州至谷四百二十里。晉司馬勲出駱谷，破趙成壁於懸鈞，去長

安二百里。黃金水出黃金縣西北百畝山。黃金谷，今縣九里。其谷

水陸艱險，語曰：山水艱阻，黃金子午。魏曹爽由駱谷伐蜀，

將王平拒之於興勢，張旗幟至黃金谷，謂此山也。故鐵城在

縣西北八十里。城在山上，險峻，故以鐵為名。氏帥楊難當寇

漢川，令薛健據黃金戍，寶據鐵城。宋遣梁州刺史蕭惠話

攻拔之驛即子午道也舊道在今金州安康縣界梁王神念以舊道緣山水橋

梁多壞別開乾道更行子午道即此路是也輿地廣記駱谷路通長安唐德宗僖宗幸吳元皆出此通典黃

金戍在黃金縣西北八十里張魯所築南接漢川北枕古道險固之極黃金縣乾德四年省入其

縣洋有子午駱谷饒風關為蜀門戶國家於駱谷口置石佛堡子午谷口置陽朔西城路置渭門寨三水寨皆

備禦之要魏張郃由子午欲攻漢中曹真遣子午道南入漢順帝詔益州刺史三秦記罷子午道通褒斜路注子午道平帝時王莽通之漢杜陵直絕南山徑漢中

曰長安正南山名秦嶺谷名子午郡縣志子午關在京北府

長安縣南百里王莽通子午道因置此關魏遣鍾會統十方

餘衆分從斜谷駱谷子午谷趣漢中晉桓溫伐秦命司馬勲

出子午道今洋州東二十里曰龍亭此入子午谷之路至谷

六百六十里唐廣德二年盜竄伏南山子午等五谷顏氏曰今京城直南山有谷道

梁漢道者名子午谷北山是子午南山是午共為子午道水經注直水北出子午谷巖嶺下蜀志王平傳若賊分向黃金

平率千人下自臨之水徑漢水又東迤小大黃金南注云山

有黃金峭水北對黃金谷有黃金戍傍山依峭險折七里氏

掠漢中且此為戍與鐵城相對一城在山上二城在山下嶮

峻故以金鐵名漢中記曰自西城涉黃金峭寒泉頓陽都坂

類要黃金縣在州東北百三十里黃金戍在縣西北八十里

薛氏曰金房南蔽夔峽西接梁洋荆梁之間一控扼也曰初征蜀嘗由此以襲夔州

白帝 永安

通典夔州為蜀重鎮先主敗於夷陵退屯白帝改為永安其後吳將全琮來襲不克

奉節縣有白帝城本漢魚復縣

郡縣志永安宮在奉節縣

東七里先主改魚復為永安白帝山即州城所據也與赤甲山接初公孫述殿前并有白龍出因號白帝城周迴七里西南二里因江為池東臨漢溪唯北一面小差逶迤年腸數轉然後得上水徑江水東逕魚復縣故城南注故魚國左傳楚伐庸魚人逐之是也巴東郡治白帝山城周迴二百八十步北緣馬嶺接赤甲山其平處南北相去八十五丈東西十七丈又東傍漢溪即以為隍西南臨大江吳朱績傳密書結蜀

使為并兼之慮蜀遣關宇將兵五千增白帝守張氏曰武侯之治蜀也東屯白帝以備吳南屯夜郎以備蠻北屯漢中以備魏

後漢注魚復縣故城在今夔州人復縣北赤甲城是西魏改入復唐更名奉節

八陣圖

郡縣志在夔州奉節縣西七里寰宇記在縣西南七里荊州圖副云永安宮南一里渚下平磧上周迴四百十八丈中有諸葛武侯八陣圖聚細石為之各高五尺廣十圍歷然棊布縱橫相當中間相去九尺正中間南北巷巷廣五尺凡六十四聚或為人散亂及為夏水所沒冬水退復然如故盛弘

之荊州記云墨西聚石為八行魚復縣西聚石行八聚，間相

去二丈因曰八陣既成自今行師庶不復敗八陣及壘皆圖

兵勢行藏之權自後深識者所不能了桓溫伐蜀徑之以為

常山蛇勢此蓋意言之蘇氏曰八行水徑江又東逕諸葛亮圖

壘南薛氏曰圖之可見者三一在沔陽之高平舊壘郡縣志在

縣東南十里武一在新都之八陣鄉郡縣志在成都府新都縣北十九里寰宇記

侯壘門石為圖一在魚復永安宮南江灘水上在縣北三十里彌牟鎮李膺益州記云雅

子關北五里武侯八陣圖上城四門中一在魚復中黃龍騰鳥飛折衝虎翼握机衝陣之法本蔡氏曰八陣有二一在魚復

起六十四魁八為行魁方丈高三尺一在廣都諸吳方圖北杜衝方罌置車輪鴈行之制世傳風后握機文則魚復圖之注馬

石碯迄今如故石壘今已殘

隆八陣贊又握機文之注成都圖經云八陣凡三在夔者六

十有四方陣法也在彌牟者一百二十有八當須陣法也在

碁盤市者二百五十有六下營法也南市一名碁盤市興元志西

縣亦有之則八陣凡四薛氏曰漢都肄已有孫吳六十四陣

寶憲常勒八陣擊匈奴晉馬隆又用八陣以復涼州陳魏持

白虎幡以武侯遺法教五營士是則武侯之前已有八陣後

上未嘗亡也今有馬隆握奇圖贊其傳起於風后嚴浚曰武

侯所習風后五圖也桓溫云是常山蛇勢徒妄言耳常山蛇

者法出孫子謂之率然蓋高直陣也水徑注沔陽之軍山東名高平是

亮宿營處營東即八陣圖也遺跡略

在難識段甚小說於漢中積石作八陣圖

杜牧注孫子云數起於五而終於八今夔州諸葛武侯以石八行布為方陣奇正之出皆生於此奇正為正之正

正正為奇之奇彼此相用循環無窮也諸葛出斜谷以兵少但能正用六數今盤屋司竹園乃有舊壘司馬以四十万步騎不敢決戰蓋知其能也通典後魏柔然犯塞刁雍上表採諸葛八陣之法為平地禦寇之方後周信州舊治白帝陸騰從之於八陣灘北洪氏曰八陣魁六十有四重易之卦也却月魁二十有四作易之畫也畫起於圓而神故却月之形圓卦定於方以知故八陣之體方居前而圓居後卦自畫始

方自圓生也壁門直衰曲折翼其旁則陰陽二物握奇則有虛一之象李清問對太宗曰六花陣法出何術清曰臣所本諸葛亮八陣法也大陣包小陣大營包小營隅落鈎連曲折相對古制如此臣為圖因之故外畫之方內環之圓是成六花俗所號耳太宗曰內圓外方何謂也清四方生於正圓生於奇方所以矩其步圓所以綴其旌是以步數定於地行綴應於天步定綴齊則變化不亂八陣為六武侯之舊法

魏重鎮

通典魏東自廣陵壽春合肥沔口西陽襄陽重兵以備吳西自

隴西南安祁山漢陽陳倉重兵以備蜀

廣陵

通典今之揚州春秋時屬吳左傳吳城邗溝以通江淮是也

秦屬九江郡漢屬荊國更屬吳景帝更名江都國武帝更名

廣陵國後漢為廣陵郡魏為重鎮

文帝黃初六年征吳幸廣陵故城臨江觀兵見江濤歎曰天所以限南北也使

張遼乘舟与曹休至海陵留遼屯江都

嘉平後屬吳

孫亮建興二年使衛尉馮朝城廣陵

東晉來以廣陵控

扼三齊故青兗二州刺史皆鎮於此宋無置南兗州治此北

齊曰東廣州復曰南兗州後周為吳州隋初為揚州又為江

都郡唐初為兗州後改為邗州又改為揚州秦氏曰兗稱揚

州者東漢指歷陽或壽春或曲河中原自魏至周指壽春或

合肥江左自吳至陳指建業或會稽隋唐五代乃指廣陵廣

陵在二漢時為吳國江都廣陵國廣陵郡宋為南兗州北齊

為東廣州後周為吳州唐初為邗州其為揚州自隋始也

郡縣志廣陵郡在江都縣北四里州城正直其上大江西北

自六合縣界流入晉祖遜擊檄中流自誓之所南對丹徒之

京口舊濶四十餘里今濶十八里

城本吳王濞所築當吳魏時廣陵下邳九江江夏四郡邊魏皆与魏為交爭之地

合濱渠在江都縣東二里本吳掘邗溝以通江淮之火路也夫差自廣陵城東南築邗城下掘深溝謂之邗江自邗溝自江東北通射陽湖今湖之官湖不謂之山陽湖

壽春

水經淮水東流與潁口會東北流逕壽春縣故城西通典壽
春郡後漢揚州刺史領郡六治於此魏曰淮南郡仍揚州為
重鎮母丘儉諸葛誕為刺史鎮於此誕城在壽春縣東一里
鄧艾行陳穎已東至壽春且田且守三國江淮為戰爭之地
其間數百里無復人居晉平吳其人各還本復立為淮南縣
置揚州領郡十治於此東晉亦為重鎮晉伏滔正淮論云壽陽南引汝
潁之利東連三吳之富吳郡吳吳丹陽為三吳北接梁宋平塗不過七百西接
陳許水陸不出千里外有江湖之阻內保淮淝之固龍泉之
陂良疇萬頃舒六之貢利盡蠶越元帝永昌中豫州刺史祖

約自譙還鎮於此後或治江北或治江南無定所宋義熙十

一年劉義慶又鎮此齊無置豫州為重鎮高帝遣垣崇祖鎮壽陽謂曰壽春賊之所衝深為之備

魏大將王肅送劉昶兵二十萬掩至敗還永元初守將裴封業以城降魏後高間曰壽陽財貽淮陰淮南之本原也

曰揚州梁武普通七年克之置南豫州後降魏陳大建五年復得

壽陽為豫州隋改壽州壽春縣東晉改壽陽今縣東四十餘

里宋殷琰築四壘於此今安豐軍古壽春也其城築自楚考

烈王徙都而徑始焉南北剖分為疆場戰爭之地謝玄肥水

之陽却苻秦百萬之師劉仁瞻堅壁自守周世宗攻之三年

不能下世宗不能久處淮南蓋仁瞻當其衝會壽州不守不

可越之而有淮南唐氏曰自古天下裂為南北其得失皆在淮南吳不得淮南而鄧艾理之故吳并於晉陳不得淮南而賀若弼理之故陳并於隋南得淮則足以拒北，得淮則南不能自保矣南齊志壽春淮南一都之會地方千餘里有陂田之饒漢魏揚州所治北距淮水周氏曰自晉至宋皆以壽陽為重魏寇少至則淮四渚郡堅守以待救援大至則發民而歸壽陽蓋壽陽不陷則魏兵雖深入垂轍終憂援兵之突至又前有彭城故為守易者既擇人以守壽陽又有胸山在其東故守之非難郡縣志其地城臨肥水北有八公山在南即淮水至今常為要害之地

合肥

郡國志九江郡合肥縣

後漢注故城在今廬州北

郡縣志廬州本廬子國春秋

舒國之地漢分淮南置廬江郡後漢廬江在皖建安中曹公

謂劉馥可任以東南之事以為揚州刺史單馬造合肥空城

建立州治合肥縣西二里故城是也建安二年張遼守之孫

權率十萬師攻圍遼以八百人破之明帝青龍元年滿寵都

督揚州諸軍鎮於此請於合肥縣西北三十里立新城

表曰合肥城南

臨江湖北達壽春賊攻圍之得據水為勢官軍救之尚先破賊大軍然後圍乃得解賊往甚易兵救甚難宜移城西三十里有奇險可依立城固守以為引賊平地而擣其歸路從之權自出欲圍新城以其遠水積二十日不敢下舡乃上岸

曜兵明年又至新城無功而還諸葛恪圍城而不克魏明帝

云先帝東置合肥南守襄陽西固祁山賊來輒破於三城之

下地有所必爭也。合肥晉為重鎮。梁改合州。隋改廬州。合肥縣本漢舊縣。淮水與肥水合，故曰合肥。應劭云：夏水出城東南，至此合淮。合，乾道新州城也。合肥志云：新城在合肥縣西北，之新城，鄉何承天曰：曹孫之霸才均智，侔江淮之間，不居者數百里，魏捨合肥，退保新城。吳城江陵，移入南岸，馮頌之戍家，停羨溪，王基傳孫權，再至合肥，一至江夏，其後全琮出廬江，朱悉寇襄陽，皆無功而還。

沔口

文聘傳與夏侯尚圍江陵，使聘別屯沔口，止石楚自當一隊。孫權以五方衆自圍聘於石陽，聘堅守不動，追擊破之。通典：沔口，建安十五年，文聘為江夏太守，鎮焉。吳軍屢攻不拔。魏初有之，青龍後屬吳，即今漢陽郡輿地廣記：漢陽軍漢陽縣。

本安陸縣地，漢屬江夏，東晉置沔陽縣，隋置漢津縣，屬復州。改曰漢陽，唐屬沔州，廢屬鄂州，周置漢陽軍，漢入江處謂之沔口。漢末魏及吳人皆以為重鎮。吳嘉禾三年，陸遜諸葛瑾屯江夏沔口。晉陶侃傳：

王貢擊侃，督護鄭攀於沔陽，又敗朱伺於沔口。齊張冲傳：梁王出沔口，圍魯山城。郡縣志：魯山一名大別山，在漢陽縣東北一百步山前。枕蜀江北，帶漢水，漢水一名沔水，西入漢川。

縣界流入。禹貢：漢至大別，南入於江。蘇氏曰：大別入江在今漢陽縣。水經注：魯山左即沔水口，左

有却月城。荆州記：沔陽縣至沔口，水北有却月城。沙羨縣治也。黃祖所守。祖橫兩蒙衝，扼守沔口。郡

縣志：却月故城在漢陽縣北三里。周四里八，十步高，黃祖所守處。漢陽

云梁武帝築漢口城以守魯山三國以前多稱漢而不言沔三國以後多稱沔而不言漢漢沔一水南都賦注曰漢水源出隴西涇武都至武關山歷南陽界入沔口入江

西陽 石陽

郡縣志黃州魏為重鎮黃初中吳先揚言欲攻江北豫州刺史滿寵度其必襲西陽先為之備孫權聞之退還西陽故城在黃岡縣東南一百三十里輿地廣記黃岡本漢西陵縣地漢縣屬江夏晉為西陽國有置奇

安郡隋置黃州光州光山縣本漢西陽縣

石陽故城在黃陂縣西二十三

里吳征江夏圍石陽不克而還即此黃陂縣劉表為荊州刺史以此地當江漢之口懼吳侵軼使黃祖於此築城鎮遏因名黃城鎮後周置黃陂縣白沙關西至大關六十里在黃州西二百四

十里北至光州界二十五里天活關東北至光州二百八里

西至安州澧山關一百里在縣北二百里穆陵唐志作木陵關在麻

城縣西北八十八里在穆陵山上陰山關北至光州殷城縣者八固始二

百里在州東北二百十里水經江水左迤赤鼻山南又東迤

西陽郡南江水東迤積布山南即西陽尋陽二郡界也蘄州廣濟縣有積布山晉志魏文分汝南立弋陽郡治西陽今光州光山縣晉為弋陽郡治黃州黃岡

縣晉屬弋陽郡寰宇記晉永嘉後始移西陽晉故郡城上流五里

襄陽

郡縣志襄州荆豫二州之城於周諸國則穀鄧鄠盧羅若之

地秦兼天下自漢以北為南陽郡今鄧州漢以之為南郡今荊州

後漢建安十三年魏武平荊州置襄陽郡自赤壁之敗魏失

江陵而荊州都督治無常處吳將諸葛瑾陸遜皆數入其境

自羊公鎮襄陽吳不復入東晉借立南雍州西魏改襄州因州南襄水為名襄陽

去江陵陸道五百里勢同輔車無襄陽則江陵受敵自東晉

庾翼為荊州刺史將事北伐遂鎮襄陽北接宛洛跨對樊沔

為荊郢之北門代為重鎮襄陽縣本漢舊縣屬南郡在襄水

之陽揚豫都督王昶言今在宛去襄陽三百餘里有急不足

相赴遂徙屯新野今鄧州穰縣司馬懿曰襄陽水陸之衝禦寇要地不可失也通典魏徐晃守之蜀

將關羽守攻不下關羽攻樊城遣別將圍襄陽庾亮曰襄陽北接宛許南阻漢水庾翼曰襄陽荆楚之舊西接益梁子關隴指斥北去洛河不盈千里士沃

田良方城險峻水路流通轉運無滯進可以掃盪秦趙退可以保據上流水徑注城北枕何水即襄陽縣之故城胡氏曰襄陽上流

門戶北通汝洛西帶秦蜀南遮湖廣東瞰吳越欲退守江左

則襄陽不如建業欲進圖中原則建業不如襄陽欲禦強寇

則建業襄陽乃左右臂也後漢郡國志注荊州記曰襄陽舊楚之北津從襄陽渡江徑南陽出方園是周鄭晉衛之道其東津

徑江夏出平輦關是通陳蔡齊宋之道

樊

郡縣志襄州臨漢縣本漢鄧縣古樊城仲山甫之國也縣城

南臨漢水魏曹仁處樊蜀將關羽圍樊曾漢水東暴長羽舟

師攻之故鄧城在縣東北二十二里鄧塞故城在縣東南二

十二里南臨宛水阻一小山號曰鄧塞魏常於此治舟艦以
伐吳陸士衡表稱下江漢之卒浮鄧塞之舟謂此也輿地廣
記襄陽府鄧城縣後置樊城縣後周省唐改安養曰臨漢復
改鄧城有樊城鎮曹操救樊駐軍摩陂摩陂在潁川却縣今潁昌府却縣魏明
帝改陂曰龍陂城曰龍城

相中 沮中

吳志赤烏四年朱然圍樊諸葛瑾取相中朱然傳赤烏五年
征相中注襄陽記曰相中在上黃界上黃縣宋
初屬襄陽去襄陽一百五
十里魏時夷王梅敷兄弟部曲萬餘家屯此分布在中廬宜
城西山隔沔二谷中土地平敞宜桑麻有水陸良田沔南之

膏腴沃壤謂之相中九年復征相中音郡縣志祖山在襄州

南漳縣漢臨沮縣東北一百八里朱然諸葛瑾沮中乘山險道

北出相中去襄陽城百五十里蓋以地山相近因名或云司

馬宣王鑿八疊山開路於此停相通典南漳縣有地名
相中吳朱然屯處宋何承天曰

襄陽之屯民居星散晉宣王謂宜往沔南以實水北曹爽不

用果亡沮中沮中即今襄陽南沮水左右地理志房陵東山沮水所出
至鄂入江水注枝江縣同治沮中後移出百里洲鄭解襄

州宜城縣木渠記曰木渠襄陽舊記所謂木里溝者也出於

中廬之西山擁隔水走東南四十五里徑宜城之東北而入

於沔後漢王龍守南郡復鑿蠻水與之合於是溉田六千餘

頃至曹魏時夷王梅敷弟兄於其地聚民萬餘家據而食之
謂之祖中故當時號祖中為天下膏腴吳將朱然嘗兩提精
兵爭其地不得

隴西 南安

晉志隴西郡治襄武唐渭州縣南安郡治獮道唐渭州隴西縣水經注獮道

獮戎邑也漢靈帝別為南安郡通典渭州秦置隴西郡以居

隴坻之西為名漢分立南安郡魏置鎮守在此鄧艾曰狄道

隴西南安祁山各當有守彼專為一戎分為四隴西縣漢獮道地立南安郡於此唐

改為縣輿地廣記渭州隴西縣本襄武縣地舊有隴西縣在襄武之東置南安郡後廢

狄道

通典蘭州魏為重鎮蜀將姜維攻狄道不克狄道縣秦漢舊

縣宋熙寧五年置熙州

漢陽

晉志天水郡漢明改漢陽治上邽通典涼州領郡十治於此

魏為重鎮晉分為天水及武陽兩郡兼置秦州領郡六治於

此唐為秦州秦國始封之邑今郡有秦亭秦谷是也諸葛武侯云車蓋州之眾出秦川謂此

段谷

通典秦州上邽縣有段谷水姜維為鄧艾破於此水經注藉

水又東合段溪水出西南馬門溪東北流蘇六曰鄧艾維兵於蜀中非劉禪之庸可則百萬之師可以坐縛

斜谷

魏曹真以漢人數入請由斜谷代之詔司馬懿泝漢水由西城與真會漢中諸將或欲由子午谷或欲由武威陳羣諫曰斜谷阻險轉運有鈔截之虞漢志右扶風武功縣斜水出衙領山北至郿入渭續漢志武功縣今郿縣也有斜谷田西征賦注曰褒斜谷在長安西南口褒北口斜百七十里其水南流西都賦右界褒斜田梁州記曰萬石城泝漢上七里有褒谷

南口曰褒北口曰斜長四百七十里水經渭水東逕武功縣北注渭水於縣斜水自南注之水出縣西南衙領山北歷斜谷經五丈原東郡縣志鳳翔府鄠縣城山曰斜城南當斜谷因以為名五丈原在郿縣西南二十五里

陳倉

水經注陳倉縣有陳倉山在縣南十里山上有寶鷄祠今鳳翔府寶鷄縣也榮氏開山圖注伏羲徙治陳倉陳倉水出陳倉山下東南流注於渭水又東與陽溪合上承斜水自斜谷分注綏陽溪北屆陳倉入渭諸葛武侯與兄瑾書曰有綏陽小谷巖山崖絕重溪

水縱橫難用行軍者邏候往來要道通人今使前軍所治此
道以向陳倉足以救連賊勢使不得分兵東行郡縣志陳倉
城魏太和中將軍郝昭所築武侯進兵攻距二十餘日引去今
城有上下二城相連上城是秦文公築下城是郝昭築水徑注
今瀟水
對城是與
昭相禦處通典今縣東二十里故城是三文城在寶雞縣四十六里司馬懿
與武侯相距所在西京賦陳室鳴鷄
在焉三秦記大白山南有陳倉山

祁山

郡縣志祁山在成周長道縣東十里

長道熙寧六年屬
岷州今西和州

漢水徑其

南有諸葛武侯壘之左右猶有豐草蓋武侯所植也

本漢上
祿縣地

